



КъМР-ни Башчысы

Айырыула тийишли даражада ётгенди

Къабарты-Малкъарны Башчысы **Казбек Коков** шахар округланы эмда районланы администрацияларыны таматарлары, республиканы Айырыу комиссиясыны председатели Вячеслав Гешев бла тубешгенди. Аны юсюнден ол кесини МАХ-да каналында былай жазганды:

- Юч кюнню ичинде республиканы битеу да 352 айырыу участкасында къол кётюрюу къалай баргъаныны юсюнден айтылганга тынгылағанма.

Къабарты-Малкъарда жашагъ-

анланы айырыулагъа къатышыргъа Президентибизни чакъырыууна къулак салгъанларын аллай жерлеге келгенлени саны кёп болганы кёрюзгенди.

Къырал Думагъа эмда жержерли самоуправление органлагъа айырыулада къол кётюрген хар инсан да сау болсун.

Къабарты-Малкъарда айырыула тийишли даражада ётгенге санайма. Аны хазырлауа эмда бардыруа бирлешип къатышханлары ючюн жыйылгъанлагъа ырызлыгъымы билдиргенме.



Ыразылыкъ

«Конституциялы эркинлигибизни хайырланып, къоркъуусуз келлик кюнню айыргъанбыз»

КъМР-ни Башчысы **Казбек Коков** айырыулары ахырына жетгенлери бла байламлы сёзюн айтханды:

- Хурметли жерлешлерим! Къырал Думагъа эмда Къабарты-Малкъарны шахар округларыны бла районларыны жержерли самоуправление органлары депутатланы айырыулада къол кётюрюу ахырына жетгенди. Айырыу

участкалагъа келип, къол кётюрюу кеслерини инсан борчларына санаган республиканы адамларыны барысына да ыспас этеме. Дагъыда айырыу ишни къурагъан эм жалгъытхан инсанларыбызгъа да ырызлыгъымы билдире-ме: айырыу комиссиялагъа эмда къараучулагъа, право саклауучу органланы бла мычмай жетген

службаланы келечилерине, таматарларыбызгъа бла жаш тёлубюзге, чыгъармачылыкъ къауумлагъа бла волонтерлагъа.

Уллу къауум болуп бардырылгъан иш тындырылгъанды эмда бусагъатда аны баш эсеплери чыгъарыладыла.

Конституциялы эркинлигибизни хайырланып, биз къырал тохта-

шыулукъну, жалынчакъсызлыкъны, къыралыбызны айныуун, аны къоркъуусуз келлик кюнню сайлагъанбыз.

Къабарты-Малкъар, бирси жыллада, бизни Президентибиз Владимир Владимирович Путин ючюндю, аны ызы бла баруу эмда аны сайлау ючюндю – бирикген эмда демократиялы Россия ючюн.

Эсепле

Къырал Думаны депутатлары сайлангандыла

КъМР-ни Айырыу комиссиясы 18-20 сентябрьде РФ-ни Къырал Думаыны 9-чу чакъырылууну депутатларын сайлауу эсеплери ачыкъ этгенди.

Аны башчысы Вячеслав Гешев, биринчиден, 17-чи номерли бир мандатлы айырыу округда къол кётюрюу юсюнден айтханды. Ол билдирген тарихлеге кёре, республикадан Къырал Думаны 9-чу чакъырылууну депутатына Адальби Шагошев сайланганды. Аны жаны 321 731 инсан къол кётюргенди (айырыулагъа келгенлени 68,77 процент).

Битеу да бирге 17-чи номерли бир мандатлы округда сайлаулагъа 468 301 инсан къатышханды (айырыучуланы 84,3 проценти).

Вячеслав Мицевич 17-чи бир мандатлы округда Къырал Думаны депутатына кеслерин кёрюзген башха кандидатланы эсеплери да билдиргенди. Ол санда Бабаланы Вячеслав жаны 10 454 адам (2, 23 про-



цент), Алексей Войтов жаны 39 514 инсан (8, 45 процент), Борис Паштов жаны 73 734 инсан (15,76 процент), Таппасханланы Аминат жаны 4 246 инсан (0,91 процент), Елена Туманова жаны 17 632 инсан (3,77 процент) къол кётюргенди.

Ызы бла Вячеслав Гешев

федерал айырыу округда къол кётюрюу къалай ётгенин да билдиргенди. Битеу да бирге Къырал Думагъа кандидатларын он политика партия кёрюзгенди. Федерал айырыулагъа республиканы 469 173 инсаны къатышханды (84 процент).

Алай бла инсанланы 70,3

проценти тенглиси «Единая Россия» партияны сайлагъандыла. Аны жаны 329 396 адам къол кётюргенди.

КПРФ-ни 80 097 адам (17,09 процент), ЛДПР-ни 24 078 адам (5,14 процент), «Новые люди» партияны 14 562 адам (3,11 процент), «Справедливая Россия – За правду» партияны

18 123 адам (3,87 процент), «Зелёные» Битеуроссей экология партияны 546 адам (0,12 процент), «Родина» партияны 423 адам (0,09 процент) сайлагъандыла. Дагъыда «Партия Прямой Демократии» жаны 378 адам (0,08 процент), «Российская партия пенсионеров за социальную справедливость» жаны 329 адам (0,07 процент), «Коммунисты России» жаны 235 адам (0,05 процент) къол кётюргенди.

КъМР-ни Айырыу комиссиясы келечилери Адальби Шагошев Къырал Думаны депутатына сайланганыны эмда федерал айырыу округда къол кётюрюу эсеплери юсюнден бегимлени къабыл кёргенди, ала Россейни Ара айырыу комиссиясына ашырылгандыла.

Вячеслав Гешев тубешиуну ахырында республиканы асламлы информация органларын бу юч кюнде тири эм хайырлы ишлегенлери ючюн ырызлыгъын айтханды. «Биз бардырыла да бирге жууалпы, кыйын жумуш тамамлагъанбыз», - дегенди ол.

ТИКАЛАНЫ **Фатима**.

Къол кётюрюу

Ата журтубуз бютюнда кючлю боллузгъуна ийнанылулукъларын айтадыла



Быйыл республикада айырыучула бютюнда тири болгъанларын биз баргъан хар участкада да айтхандыла. Сёзге, 109-чу номерли участкада эсепде болгъан 1910 инсандан биринчи кюн, 18 сентябрьде, кеслерини сайлауларын 800-ге жуугу этген эдиле.

Ол Нальчикни тиресинде Кенжеде сабий садны мекемьинде орналынды. Энде быйыл юч айырыу участка ишлегенди. Биз алагъа айырыулары экинчи кюннде - 19 сентябрьде - кюн ортада келгенбиз. 109-чу участкада

ол заманда концерт программа бара тура эди - артистле къобуз согъа, миллет тилледе жырла айта.

- Кенжечиле не заманда да тири болгъандыла, алай быйылча кёп адам келгенди деп, эсимде жокъды. Кёпле ишге бара къайтып, инсанлыкъ борчларын толтургандыла. Бюгюн эртенли да 200-ге жуукъ адам келгенди, - дейди участканы секретары Софиат Шомарова.

Софиат Хабасовна таматала, жаш адамла да келгенлерин белгилейди,

аланы арасында ючеулен быйыл айырыу эркинликлерин биринчи кере толтургандыла. «Тонене уа жаш юйюк да болгъанды бизде, ол бек ариу тереди - жашауларын байлагъан жаш бла

къыз быллай магъаналы ишге бирге къатышханлары. Адамла жашау иги жанына торленеригине, къыралыбыз бютюнда кючлю боллузгъуна ийнанылулукъларын айтадыла», - дейди ол.

Къыралыбызны ырахатлыгъы ючюн

110-чу номерли участка уа Маданият юйде орналады. Ол да уллупадан бириди – мында эсепде 2075 адам барды. Аны башчысы Алтуланы Маратны айтханына кёре, законда болгъаныча, эртенликде 8.00 сагъатда ачылганды участка, къол кётюрюу бла байламлы бузукълукъла этилмегенди.

Айырыучуланы асламын тошден ингирге эмда 20 сентябрьде, къол кётюрюу баш кюннде, саклагъанларын айтханды ол. Болсада 18 сентябрьде инсанланы 42 проценти сайлауларын этгенди.

- Концерт программа да хазыр этгенбиз. Битеу жумушла чырмаусуз, бузукълукъ барадыла. Биз бу юч кюнде къыралыбызны, туугъан журтубузну айныуун, ырахат жашауун сайлайбыз. Россейни инсанларына,



Къабарты-Малкъарны жамауатына саулыкъ, насып, къолайлыкъ тежейме. Бу айырыула тюзлюк бла ётпюл, Ата журтубуз андан да ариу, кючлю, деменгли болсун, - дейди Марат Хаждаутович.

Алгъышлаула

«Хар заманга да Къарачай-Черкесни айныуна жүрегибизден къуанабыз»

КъМР-ни Башчысы **Казбек Коков** Къарачай-Черкес Республиканы Башчысына жангыдан сайланган **Темревланы Рашид Бориспиевичи** инаугурациясына къатышханды. Аны юсюнден Казбек Валерьевични МАХ-да каналында жазылады:

- Битеу жүрегимден хурметли коллегами эм огурлу къарындашымы къуллукъгъа тохташыуу бла алгъышлайма. Рашид Бориспиевич анга Президентибиз Владимир Владимирович Путинден, Къарачай-Черкес Республиканы халкындан бла Халкъ Жыйылууну (Парламентни) депутатрындан берилген бийик ышаныуа толусунлай кертчи боллузгъуна ийнама.

Сынамлы эмда даражалы политик, хунерли курауучу, огурлу эмда халал жүрекли инсан Рашид Бориспиевич анга эм магъаналысы халкъыны ырахатыгъы болгъанын эртте туура аталганды.

Бююнлюкде регионда экономика айныды, социал, транспорт эм турист инфраструктура жангыртыладына, адамланы

жашауларына ырахат болумла къураладыла. Ала барысы да, сёзсюз, Къарачай-Черкесни иш кёллю, фрахмулу адамларыны хайырындандыла. Ол ёсюу республиканы таматарлары бардыргъан тынгылы ызы эсеплеридиле.

Республикаларыбыз маданиятларыны бла төрелерини бириклерини, огурлу къоншулукъ, кёп санлы жуукълукъла бла байланылдыла. Биз хар заманда да Къарачай-Черкесни жетишимлерине жүрегибизден къуанабыз. Башха торлю да болур амалы жокъды.

Къабарты-Малкъарны халкындан къарындаш Къарачай-Черкесни жамауатына республикаларыны узакъ эллеринден биринде саулыкъ саклау махкемеге деп кыйын жоллада барыргъа онгу болгъан улоуну сауыгъа бергенме.

Рашид Бориспиевичге республиканы Башчысыны жууаплы куллулугъунда мындан арысында да жетишимле жоралайма, Къарачай-Черкесни халкъына уа мамырылыкъ, огурлулукъ эмда жашнау тежейме!

«Ёз республикаларыны игиликлерине деп бардыргъан ишинде бийикликле жоралайма»

КъМР-ни Башчысы **Казбек Коков** Юг Осетия Республиканы Президентине **Марат Камболовну** сайланганы бла байламлы алгъышлау сёзюн айтханды. Алгъышлау регионну оюучусуну МАХ-да каналында да басмаланганды, анда былай айтылынады:

- Юг Осетия Республиканы Президентини куллулугуна хурметли Марат Аркадьевич Камболовну сайланганы бла алгъышлайма.

Башчыны айырыу халкъны конституциялы эркинлигиди, къыралны къыраллыгъыны бла жалынчакъсызлыгъыны мурдоруду. Юг Осетия Республиканы адамлары ол сайлауу этгенди – Марат Камболовну айырып, анга

кеслерини келлик заманларын ышанып.

Бу кюнледе Юг Осетия кесини баш магъаналы къырал байрамны да белгилейди – Республиканы къуралууну кюнюн. Ол заманда да – 1990 жылда 20 сентябрьде – юг осетиялы халкъ кесини къыраллыкълары эркинлигин къорулап, сейирлерин, кыйматларын эмда төрелерин саклагъа кишилиги бла оюелгенди.

Битеу жүрегимден Юг Осетияны Президентини Марат Камболовха ёз республикаларыны игиликлерине деп бардыргъан ишинде жетишимле жоралайма, анда жашагъан адамлагъа уа тохташыулукъ, саулыкъ-эсенлик эмда жашнау тежейме!

Монглукъ тежегенди

КъМР-ни Башчысы **Казбек Коков** Владикавказда Шимал Осетия-Алания Республикагъа Башчыгъа **Сергей Меньяйлоу** сайлагъанлары бла байламлы жыйылууа къатышханды. Аны юсюнден республиканы оюучусуну МАХ-да каналы билдиреди.

- Жүрегимни төренинден Сергей Ивановични куллулукъгъа киришгени бла байламлы алгъышлағанма. Алгъыш сёзюмде бек магъаналыгъа Президентибиз Владимир Владимирович Путин, Шимал Осетия-Алания Республиканы халкъы, депутатлары этген ышаныулукъну унутмагъа кереклисин айтханма.

Белгилерчады, регионнга ары дери да ол ишни тамамлап тургъан белгили адам оюу этеригин, аны жашау жолу толусунлай Ата журтха куллулукъ этиу бла байламлыды. Ийнама, республикагъа жангыдан айырылгъан оюучуну командасы аны социал-экономика жаны бла айнытыргъа эм болдургъан жетишимлеге иги да къошумчулукъ этериклерине.

Арт жыллада регионда деменгиле программала эм уллу инвестиция проектле жашауда бардырыладыла. Шахарланы бла районланы сьфатлары иги жанына торленедиле, социал эм транспорт инфраструктура эсленирча айныды. Сёзсюз, битеу жетишимлени Шимал Осетия-Алания Республикада жашагъан халкъ, кеслерини туугъан жерлерин эм деменгиле къыралыбызны айнытыр ючюн

болдурладыла. Битеу тамамланган ишле республиканы оюучуларыны, ол санда аны Башчысы Сергей Меньяйлоу, тийишли оюула этегенлерини эм кыйыматты ишлегенлерини хайырынданды.

Къабарты-Малкъарда бла Шимал Осетия-Алания Республикада жашагъан халкъла кёп өмюрлерден бери шүхлукъну жүрөтөп, къарындашлача жашап келедиле. Бурун заманладан бери бизни ата бабаларыбыз кыоншулукъда жашагъандыла, туз-гыржыны тегит этип ашагъандыла, бир бирлерине билеклик да этгендиле.

Алай таза ниетли байламлыкъларыбыз жуукъ къаршылыкълары, бир ниетлиликни, бир бирге ушагъан адет-төрелерибизни къурагъандыла. Биз багъалы Сергей Иванович бла бирге алгъын заманлада регионланы араларында къураалгъан къарындаш байламлыкъларны юзмегенлей, мындан ары да айнайта барлыкъларыбыз.

Къабарты-Малкъарда жашагъанланы атындан Сергей Ивановичге Шимал Осетия-Алания Республиканы медицина учреждениларыны биринде ишлерча машина сауыгъа этгенме.

Шимал Осетия-Аланияны Башчысына жууаплы къырал куллулукъда жетишим, республикада жашагъаналагъа уа мамырылыкъ, монглукъ эм айныу тежегенме, деп айтылады билдирюуде.

Халкъын бирикдиргенди

КъМР-ни Башчысы **Казбек Коков** МАХ-да каналында Чечен Республиканы Башчысына сайлау бла байламлы бардырылгъан айырыулада **Рамзан Кадыров** арсарсыз хорлагъанын билдиргенди.

«Жүрегимни төренинден Рамзан Ахматовични эм битеу къарындаш республиканы ол магъаналы сайлау бла алгъышлайма.

Ийнама, чечен халкъ тюз оюу этгенине, биягъыча, ала республиканы башчысына жашауун туугъан журтуна бла Россейге куллулукъ этерге жоралагъан адамгъа бюргъандыла.

Ышанаме, Рамзан Кадырович Президент-

тибиз Владимир Путин анга этген бийик ышаныулукъну тийишлисича толтурлугъун.

Ол, атасы - Чечен Республиканы биринчи Президенти, Россейни Жигити Ахмат-Хаджи Кадыров – башлагъан ишни бийик даражада бардырады, чечен халкъны андан да бек бирикдиргенди, энди республика айныуу ышаннгылы жолуна тургъанды.

Жүрегимни төренинден Рамзан Кадыровха кёп жылланы ичинде Чечен Республикагъа эм саулай къыралгъа да жетишимли ишлегени ючюн кийик саулыкъ, монглукъ эм айныу тежейме, деп айтылады билдирюуде.



Хурметли жамауат!
«Заман» газетини МАХ-да кесини каналы барды. Сизни ары къошулуртгъа чакъырабыз.
https://max.ru/id/725009184_gos4

Хурметли жамауат!

Телефонугъуз бла бу QR-кодну хайырлана, «Заман» газетте 2027 жылны 6 айына жазылыргъа онг барды. Алайды да, жазылыгъыз, келир жылда да газет бла бирге болуругъузну излейбиз!



Дауурлу дуняда энчилеген бири



3 бет

«Сабийни жетишимли болуунда юйюрюн устаазны бирлешип ишлеулери магъаналыды»



3 бет

«Туугъан шахарымда солууум да эркин чыгъады»



4 бет



20-чы номерли школну ме-
кямында уа 108-чи айыруу
участка орналынды. Мында
эсепде 2543 айыруучу барды.

Анга башчылыккы школну
директору Мая Асланова
этеди.

- Жаш адамла кёп болгъан-

Бузукълукъла ачыкъланмагъандыла

Кенжени битеу участкала-
рында партияланы келечилери
эм жамауат кьараучула ишле-
гендиле. Ала айыруула жаны
бла законлагъа бузукълукъла-
ны ачыкъланмагъандыла.

Кьол кётюрюуно алында уа
«ИнформУИК» программаны
чеклеринде комиссияланы
келечилери юйлеге барып,
инсанла бла тубешгендиле.
«Кьол кётюрюу бла байлам-
лы соруулары болгъанла бла
ушакъла бардыргъанбыз, ай-

ыруу эркинликлери бла хай-
ырланьырга кереклисин шарт
айтханбыз. Саулукулларына
кёре участкагъа келалмагъан-
ланы юйлерине баргъанбыз.
Таматала не заманда да бу
ишге жууаплы кёздөн кьарагъ-
андыла. Быйыл да жарыкъ
тубегендиле, кьыралыбыз
кючю болурун, ышангьылы-
лыккы сюебиз деп, сайлаула-
рын этгендиле», - дейди бизге
109-чу участканы келечиси
Гебраланы Марина.

Жууаплылыкъларын сезегидиле

лары бютюнда кьууанды-
рады. Бу школну бир ненча
жыл мындан алгъа бошагъан
класс саулау бирге жыйылып
келгенлери бютюнда хычыу-
ун кёрюнгенди. Бизде ариу
тёре кьуралгъанды - саугъала
юлеширге. Ол да магъаналы-
ды - адамны эсинде бу кюн
кьууанч, байрамча кьалырга
көрөкди. Сёзге, айыруу участ-
кагъа бек биринчи келгени
белгилегенбиз. Быйыл ол
Марат Камаев болгъанды - бу
школну тауусхан жаш адам.
Дагъыда кёп сабийли юйюрге
да бергенбиз саугъа - 9 бала-
ны ёсдорген Азрет бла Залина
Кочесоковлагъа. 18 жыллары
толуп, участкагъа биринчи
келген Малкъондуланы Саид
бла Астемир Бегидов да ал-

гъандыла саугъларын. Учас-
када эм тамата Казбек Болиев
да саугъа кьоллу болгъанды,
- дейди Мая Дзюновна.
Ол да айыруучула тири
болгъанларын, кьол кётюрюу
эркинлики магъанасын би-
лип келгенлерин белгилейди.
- Жаш юйюр Тамерлан
бла Ляна Хутовланы да са-
угъалагъанбыз. Тамерлан
бери келлигине кьайгылы,
тынгысыз болуп тургъанын
айтханды. Ол а жаш адамла
кьыралыбызны келир кюню
кючюн жууаплылыкъларын
сезгенлерине шагъатлыкъ
этеди. Бу айыруула тёлүлени
Кочесоковлагъа. 18 жыллары
толуп, участкагъа биринчи
келген Малкъондуланы Саид
бла Астемир Бегидов да ал-



Тамблагъы кюннге таукел атлайдыла

18 сентябрьде кьыралны
бирси шахарларында бла
эллериндеча Чегем район-
да жашагъанла да Кьырал
Думагъа IX чакъырылыууна
депутатланы бла районну
жер-жерли самоуправление
советине келечилени айыры-

болгъанды. Аны бла бирге
школчула «Мен айыруучума»
деген викторинагъа да кьа-
тышхандыла. Ингирге чыгъ-
арылгъан эсеплеге кёре 746
адам кьол кётюргенди. Ол
санда бир тюрлю сылтау бла
юйлеринден чыгъланмагъанла

концерт бла башлангъанды,
«Мени кьыралым - мени сай-
лауум» акцияны чеклеринде
уа кьууанч халда акъылба-
лыкъ болгъанлагъа паспорт-
ларын бергендиле. Кюнчю
кюннде да кьонакълагъа
«Жаша эм жырла, мени Рос-
сейим» деген концерт бол-
гъанды. Некаялары юл кюннге
тошген Марат Мамбетов бла
Ангелина Леончук, Маданият
юйде регистрацияны ётюп,
жангы кьуралгъан юйюлча,
бирге кьол кётюрюрге да
кьатышхандыла.

- Кертисин айтханда, азы-
ракъ адам келир деп тур-
гъан эдик, болсада ишчи кюн
болгъанына да кьарамай,
эрттенилкенден окъуна кьол
кётюрюрге юйюрлери, орам-
лары, шувълары, тенглерин
бла келгенде да иги кесек
болгъандыла, хар замандача,
партияланы, жамауат органи-
зацияланы келечилери тири
кьатышхандыла. Ол санда
шахарны жаш тёлү советни
келечилери тенглерин бла
бирге кьол кётюргенлери
бютюнда асыу кёрюнгенди,
- дегенди Инна Баронова.

Сагъынылгъан участкада
билдиргенлерича, сагъат
сегизден бери иш бир тюрлю
бузукълукъсуз, тарыгъусуз
баргъанды. Айыруула кьа-
лай ётгенлерине «Единая

Россия», «ЛДПР», «Партия
прямой демократии», «Зелё-
ные», «Справедливая Рос-
сия», «Родина», «КПРФ»,
«Партия пенсионеров», «Ком-
мунисты России», «Новые
люди» партиаланы, жамауат
организацияланы келечилери
да кьарагъандыла. Кьор-
кьуусузулукъну полицияны,
Росгвардияны келечилери
тынгылы жалчыххандыла.

Ол кюн кьол кётюрю-
ге келгенлени араларында
КьМР-ни жаш тёлюню иш-
лери жаны бла министри
Азамат Люев да болгъанды.
- Манга кьол кётюрюу эм
биринчиден кьыралны эм
республиканы айнууу бла
байламлы оюмуу билди-
риргеди. Аны бла бирге ин-
санлыкъ жаны бла тирилиги-
ми, кьыралыбызны сейирин
кьоруулагъан энчи аскер
операциягъа кьатышхан жер-
лешлерибиз бла бирге бол-
гъанымы, билеклик этерге
хазырлыгъымы кёргозтюрге
да ахшы онгду, - дегенди Аза-
мат Хасеинович.

Эсге сала айтсакъ, Чегем
районда 42 мингден аслам
адамны кьол кётюрюрге эр-
кинликлери болгъанды. Ай-
ыруу участкада жамауат
организацияланы бла парти-
яланы 119 чакълы кьараучусу
ишлегендиле.



угъа тири кьатышхандыла.

Сагъат сегизден башлап
районда жыйырма участок
ачылгъанды, ол санда Мада-
ният юйде орналгъан 307-чи
номерли участок эм уллула-
дан бирине саналады. Анда
кьол кётюрюрге тийишлилени
саны 2881 адамгъа жетеди.
Эрттенилкенден окъуна арба-
да сабийлеге батутла салып,
«Мени юйюм - Россей» деген
миллет чыгъармачылыкъ
коллективле бла артистле
кьатышып, уллу концерт

- сакъатла, кьыйын ауругъ-
анла, абаданла эм алагъа
кьарагъанла - алгъадан 69
заявление берген эдиле. Биз-
ни айыруу комиссиябызны
келечилери, аланы жокълап,
кьол кётюрюрча онг тапдыр-
гъандыла.

Участкуну айыруу комис-
сиясыны таматасы Инна Бо-
рукаева билдиргенича, ишчи
программагъа кёре айыруула
бла бирге байрамла да ётеди-
ле. Сайлаулары экинчи кюню
«Россей сайлайды» деген

«Аламант жумушха кьатышханыма ёхтемленеме»

Бу кюнледе КьМР-де,
битеу кьыралдана, РФ-ни
Кьырал Думасыны эмда
КьМР-ни жер-жерли само-
управление органлараны
депутатларын айыргъанды-
ла. Биз да Хасанияны юч
участкаларына баргъанбыз.
Хасанияны Маданият юй-
юнде орналгъан 100-чю но-
мерли участкада кьол кётю-
рюу кьууанч халда ётгенди.

Ол кюн, тёредеча, бери
келгенлени локьумла, таулу
бишлакъ бла сыйлагъанды-
ла. Маданият юйде «Мин-
ги-Тау» эм «Басият» тепсеу
кьауумланы жаш артистлери
ол кезиуде келген айыруучу-
ланы алларында таулу тепсеу-
лени кёргозтюп, халккыны
кёлюн кётюргендиле.

Участканы башчысы Гай-
ыланы Фатимат айтханына

кёре, бу кюнледе кьол
кётюрюу бла байламлы за-
конлагъа бузукълукъла этил-
мегендиле. «Байрым кюн
халкъ аслам болгъанды.
Кёлле ишге бара кьайтып,
инсанлыкъ борчларын тол-
тургъандыла. Ыйых кюн а
500-ден артыкъ адам окъуна
бар эди», - дегенди ол.

Айыруу эркинлигин би-
ринчи кере толтургъан жаш

адамланы белгилегендиле
участкада. Быйыл ол На-
стуланы Алия болгъанды -
Кьабарты-Малкъар кьырал
университетни студенткасы.
«Бюгюн мен биринчи кере
кьошулама айыруулагъа.
Быллай уллу, магъаналы
ишге кьатышханыма бек
кьууанама», - дегенди ол.

Инсанлыкъ борчларын толтургъандыла



Хасанияны 16-чы номерли
орта школунда 101-чи айыруу
участка орналгъанды. Анга
Апполаны Лейля башчылыкъ
этеди.

Мында уа бир ариу төре
кьуралгъанды: 77-жыллыкъ
Гыжгыланы Малик, биринчи-

лени санында келип, сайлау
этеди. Бу ишге ол битеу юй-
юрюн жыйып кьатышыучуду.
Участкада ишлеген жамауат
кьараучула Малликин эрттеден
таныйдыла, бу жол да ала бир
бирге жарыкъ тубегендиле.

Саугъала, жырла, ахшы умутла

Хасанияны 74-чю номерли
сабий садьында орналгъан 99-чу
участкада да айыруучулагъа
байрам кьурап тубегендиле.
Аны башчысы Ёлмезланы За-
йнафны айтханына кёре, анда
эсепде болгъан 1186 инсандан

биринчи кере кьатышады. Бу
кюн аны эсинде кьалыр кючюн
а, кьызгъа участканы келечи-
лери саугъа хазырлагъандыла.
Мариям мындан ары кьыралы-
бызны тири инсаны болур деп
бек ышанабыз.



асламы биринчи кюн, 18 сен-
тябрьде, келгендиле.

КьМКЪ-да лингвистика фа-
кулътетде окьугъан 18-жыллыкъ
Ахматланы Мариям кьол кётю-
рюуге анасы бла бирге кёл-
генди. Ол бу магъаналы ишге

Халкъ суйген жырчыбыз
Холамханланы Кьайсын а
кьол кётюргенден сора кетип
кьалмагъанлай, айыруулагъа
келгенлени кьууандырырга
суйюп, жырларындан бирин
айтханды.



Сыйлы тамата сайлауун этгенди

Тёбен Чегемден 105-жыл-
лыкъ акъсакъл Габоланы Ас-
лан Россейни Кьырал Думасы-
ны эмда КьМР-ни жер-жерли
самоуправление органлары-
ны депутатларын айыруугъа
кьатышханды. Аны юсюнден
КьМР-ни Башчысыны Админи-
страциясыны МАХ-да каналын-
да айтылады. 302-чи айыруу
участканы келечилери, сыйлы
таматаны юйюне келип, анга

сайлауун этерге онгла кьурагъ-
андыла.

Габоланы Аслан бу магъ-
аналы жумушлагъа барысына
да кьатышады. Ол сайлауун,
участкагъа келип, кеси этип
тургъанды. Сёзге, былтыр Рос-
сейни Президентин айыргъан-
да, Габо улу тамата атха минип,
кьолуна да Россейни байрагъ-
ын алып келген эди.



Узеланы Таусолтанга 95 жыл болады. Ол Къашхатауда
жашайды. Айыруулары магъаналылыгын сабийлеге ан-
гылатады.

Юлгю кёргозтгендиле



94-жыллыкъ Шунгарланы
Хауау бла 89-жыллыкъ Лёлюка-
ланы Нух тири айыруучуладан

бирлеридиле. Сыйлы таматала
Бабугент элни Батчаланы Роза
атлы орта школуна кеслери ке-

лип, жаш тёлүге туугъан журту-
буну аллында жууаптылыккыны
юлгюсюн кёргозтгендиле.

Жыйылып келгендиле

313-чю номерли айыруу
участка Яникюйну школуну
мекамында орналгъанды. Аны
келечиси Газаланы Лейланы
айтханына кёре, кьол кётюрю-
ге юйюрле, бирге жыйылып,
гитче сабийчиклени да алып
келгендиле.

- Таматала хар заманда да
айыруулагъа энчи магъана бер-
гендиле, алай быйыл жаш тёлү
да алагъа кьошулгъаны ахшы
ишди. Жаш юйюрле сабийле-
ри бла келгенлери уа бютюнда
кьууандыргъанды, - дейди ол.

Бу участкада 2,5 мингге жу-
укъ адам барды эсепде, аланы
арасында 18 жыллары толуп,
комитетчи эркинликлерин
биринчи кере толтургъанла да.
Участканы келечилери бу кюн
аланы эслеринде кьалырча
саугъала хазыр этгендиле.

- Адамла кьол кётюрюуге
ийнаырларын тилерик эдим,
бютюнда бюгюнча кьыйын
заманда. Бизде айыруула
кертилик, ачыкълыкъ бла бар-
гъанларын айталлыкъма, -
дейди Лейля.



Лашкутада 339-чу номерли
айыруу участкада уа Россей-

ни Кьырал Думасыны депу-
татларын айыргъан бла бирге

Жамауатха кьайгъыра

элни жашауунда магъаналы
ишни толтурургъа керек бол-
гъанды - жамауат жер-жерли
самоуправление органына
8-чи чакъырылыууну депутат-
ларын сайлагъанды.

- Адамла аны кючюн а бю-
тюнда тири болгъандыла.
Конституциялы эркинликле-
рин биринчи кере хайырлан-
ган жаш айыруучуларыбыз
да бардыла. Алагъа саугъала
бла тубегенбиз. Энчи аскер
операциягъа кьатышхан ба-
тырларыбызны ата-аналары
келгенлери уа бютюнда магъ-
аналы болгъанды. Тамата
тёлү политика жумушлагъа
не заманда да тири болуп
кьатышады да, бу жол да

ала биринчилени санында
эди. Кёлле юйюрлери, туу-
дукълары бла келгенлерине
кьууанганбыз. Ол тёлүлени
араларында байламлыкъ-
ланы кючюн кёргозтеди,
ёсюп келген тёлюню туугъан
журтубуз кючюн жууаплы бол-
гъанына юйретеди, - дейди
бизге участканы башчысы
Насталаны Аюбхан.

Битеу да бирге мында эсеп-
де 514 айыруучу барды. Кьол
кётюрюуно ахырына аланы
асламы сайлауларын этген-
диле. Айыруула баргъан юч
кюнню ичинде законлагъа
бузукълукъла этилмегендиле.



Айыруу комиссияны келечилери (солдан оннга):
Ёзденланы Лейля, Гёжаланы Лейля, Гёккиланы Ханифа.

Кьырал Думагъа депутатланы
айыруугъа участкагъа биринчи
келген Теммоланы Айшатха
айыруу участканы председа-
тели Ёзденланы Рашит алгъыш
сёзле айттып, полле бергенди.
Гёккиланы Ханифа, Ёзденланы

Лейля, Гёжаланы Лейля хар
кьол кётюрюуге келгеннге
жарыкъ тубеп, кьагъытланы
кьалай толтурургъа керегин
юйретип, ишлерин алай бар-
дыргъандыла.

Алгъа киргенлеге — гюлле

Огъары Басханда 352-чи
номерли айыруу участкада
кьол кётюрюуге тап ётгендиле.
Хар келген жангыртыла тур-
гъан мектепде кьурулуш ишле

кьалай баргъанларына эс бур-
гъандыла. Кьурулушну барды-
рыгъа кьыйын салгъанлагъа,
кьыралларына да алгъыш
этип, алай кьол кётюргендиле.



Ёзденланы Рашит Теммоланы Айшат бла бирге.

Арм болжалгъа салмай

Кьырал Думаны эмда
КьМР-ни жер-жерли само-
управление органлараны де-
путатларын айыруугъа онгла
уголовно-толтуруучу система
да кьуралгъандыла. Биринчи-
лени санында ведомствону
оноучулары толтургъандыла

инсанлыкъ борчларын.
- Биз кьыралыбызгъа кьул-
лукъ этебиз, ол себепден
аны жашауунда магъаналы
ишден бир жанында кьа-
лыр эркинлигибиз жокъду,
- дегендиле бизге УФСИН-ни
пресс-службасындан.



Концерт

«Туугъан шахарымга солчуум да эркин чыгъады»

Шабат кюн Тырныауузда Къулийланы Къайсын атлы маданият юйде КъМР-ни халкъ артисти Мухтар Хордаевни концерти ётгенди. Ол музыканы сыйгенлени жылы ингири эди.

Артист кесини туугъан жерине, сабийлиги ётгөн шахарга хар жолдан къууанып къайтады.

- Мында солчуум эркин чыгъады! Ингиригиз ахшы болсун, багъалы жерлешлерим, шухларым эм ба-рыгъыз да мени кършы жуукъларым! - деп салам-лашханды концертте келгенле бла артист.

Мухтар кеси туугъан шахарында къонакъ болмаса да, анга бекжылы тюбегенди Элбрус районну жамауа-ты. Биринчи сахнагъа Элбрус районну администраци-ясыны башчысыны биринчи орунбасары Толгъурланы Расул чыгып, къонакъ-байлыкъ сезонде Мухтарны ол кёп болмай тийишли болгъан «Къабарты-Малкъарны халкъ артисти» деген даражасы бла саулай районну жамауатыны атындан алгъышлагъанды.

Андан ары Мухтар окъугъан Тырныауузу 5-чи но-мерли школуну таматасы Моллаланы Фатима уллу гол къысым алып чыкъгъанды сахнагъа. Фатима Чабилловна артистни сабийлигин эсгере, аны замансыз ауушхан анасын бла атасын эсгергенди.

- Ариу адамла кеслерини уллу юйюрлерин тийишли-сича ёсдюре келгенлей, бир бири ызларындан жаша-удан кетгендиле. Сабийлени эм гиччелери уа Мухтар болгъанды. Ол заманындан башлап, фахмусу бла тенглерине кесин сыйдоралгъанды. Къылыгы ариу, намыслы жашчыкъ, биогонлюкде даражалы жырчы болуп, кесини атын, районубузу, шахарыбызны, аны бла бирге уа школубузу да атын иги бла айдыргъаны ючюн, биз бек ёхтемленебиз, - дегенди ол.

Тырныаууз шахарны жер-жерли самоуправлени-ясыны советини председатели Этезланы Мажит да артистни сыйлы аты бла алгъышлагъанды. Ызы бла сахнагъа Мухтарны биргесине окъугъан тенгleri чыкъгъандыла. Ол анга кертти да сакъланмагъан саугъа болгъанды. Негерлери сабийликлерини юсюн-ден айта, аны гитара бла арбазда кёргозтоучо гичте концертлерин эсгергендиле. Ала, артистни чыгъар-мачылыкъ жолу бла ёхтемленгенлерин билдирип, саугъагъа таулу бичакъ бергендиле.

Маданият юйно залы концерт башланьрдан иги да алгъа толу эди. Адамла юйюрлери, негерлери бла да келе эдиле. Саугъала, полле да кёп болгъандыла ингирни чегинде. Мухтар сахнагъа чыкъгъанында уа, толкъун кърсланы къызылуугу аны кёлюн окъуна толтургъанды.

Ол ингирде артистни кесини эм сыйген жырлары айтылгъандыла. Аны биргесине уа къараучуланы бирлери жырлай эдиле, бирлери уа, кёзлерин къысып, сагъышларында сабийликлерине къайта эдиле.

Жырланы араларында Мухтарны эсериуелери да кёлге сеийр да, жычыун да болгъандыла. Ол са-бийлигинде шухларын, анга жашауунда билеклик, болушлукъ этген тенглерин сагъына, эсгере, ингирге жылыу бергенди. Аны эслеринде тутханлары, чыгъар-мачылыгъын сыйгенлери ючюн да адамлагъа жюрек ыразылыгъын билдиргенди. Концерт, жалаңда музы-калы байрам болуп къалмай, жюреклени жарытхан, артистни шахарына сыймеклигин билдирген ариу тюбешуи болгъанды. Къараучула да ол ачыкълыкны, жылыуну тамам сезгенлерин къызыу кърсала бла билдире эдиле.

Артистни биргесине шансон жырланы устасы Ев-гений Росс да келген эди. Ол кеси аллына, Мухтарны



биргесине да жюреке жетген жырла айтханды.

Бу концерт тырныауузуланы эслеринде кёлге къаллыкды. Ол адамны туугъан жери бла байлам-лыгыны кертти да ёмюрлук болгъаныны шагъатыды. Мухтар Хордаев а ол ингирде аны жюректен сыйген къараучулары, жерлешлери, бла энта бир тюбешип, аланы ачыкълыкларын бла жылыуларын жангъдан сезгенди.

ТЕМУККУЛАНЫ Асият.

Болушлукъ

Быйыл жылы башындан бери «Юйюр» миллет проектге кёре Къа-барты-Малкъарда социал контракт-лагъа 70 миллион сом чакълы тёл-ленгенди. Саулай алып айтханда, быллай болушлукъ файдалары ре-гионда белгиленнген жашау этерге жетерик ахчаны эм аз ёлчмерге жетмеген 450 юйюрден асламгъа этилгенди.

КъМР-ни Урунуу эмда социал кьо-

Къыйын болумгъа тюшгенлеге себепликке

руулау министрствосундан билдир-генлерича, ахчаны ёлчмечи адам аны не затха хайырланьргъа излегинене кёре къуралады. Сёз ючюн, кёлпе аны кеслери бир тюрюл иш башлар-гъа, къошакъ халда усталыкъ алъыр-гъа, неда арбазда малла тутаргъа

хайырланадыла. Алай бла бир тюрюл иш бла юрешеме дегеннге - эм кёп 350 минг сом эм малла тутаргъа да 200 минг сом бериледи.

Энци аскер операциягъа къатыш-ханла бла аланы ахлулары предпри-нимательстволукъ иш бла юре-

ширге излеселе, аланы юйюрлерини файдаларын тергемезча эркинлик бериледи.

Эсге сала айтсакъ, быллай себе-плик кёп сабийли юйюрлеге, энчи аскер операциягъа къатышханлагъа бла аланы ахлуларына эм къыйын жашау болумгъа тюшгенлеге да тапдырылады.

КУРДАНЛАНЫ Сулейман.

Юйрениуле

Жаш тёлнюю ёсдюрюню ышангылы амалы

Бу кюнледе Къабарты-Малкъарда «Приэльбрусье» миллет пар-кны жеринде «Къоркъуусулукъну школуну» чеклеринде бийик-тау сынау урум ётгенди. Аны чеклеринде биринчи болушлукъ бериуню мурдорларына кёре къысха интенсив, альпинист керекле бла иш-леу, къая дерсле, дагъыда Адыл-Сууну бла Шхельданы ёзенлерини баш жанында жолочулукъла бла ёрлеуле бардырылгъандыла.

Проект Президент грантланы фон-дуну конкурсунда хорлагъанды эмда Орус география обществону (РГО) Къабарты-Малкъарда бёлюмюню, КъМР-ни Курортла эм туризм мини-стерствосуну, дагъыда Къабарты-Мал-къарны от тюшоуге къажау службасы-ны болушлукълары бла бардырылады.

«Шхельда» проектге къатышханла-ны баш лагери болгъанды. Ол быйыл кесини 80-жыллыгъын белгилегенди эм Россейни жеринде ишлеген эм эрттегили альплагерьледен бириди.

Биринчи акклиматизация чыгыу Шхельда ёзенни баш жанына - Ара Кавказны эм уллу чыранларыны бирине - сынамлы инструкторла бла

тегориялы судья Мухамед Куржанов бардыргъанды. Дерсле РГО-ну жаш адамланы къымылдаууну 10-жыл-лыгына жоралангъан эришуиле бла бошалгъандыла. Турнирни судьясы альпинизмден, тау туризмден эм фри-райддан инструктор, РГО-ну келечиси Элизабет Паль болгъанды. Эришуиде хорлагъанла бла призёрла КъМР-ни Курортла эм туризм министрствосун-дан эм РГО-ну КъМР-де бёлюмюнден грамотала эм сыйлы саугъала бла белгиленгендиле.

Андан сора биринчи болушлукъ бериуню мурдорларыны юсюнден дерс ётгенди. Анда альпинизмден инструктор, алгъыннгы заманлада



Дерследен бош заманларында жаш адамла от къатында жыйылып, гитара согууп, жырла жырлап, оюнла ойнап ётдоргендиле заманларын.

«Туризм БЕЗопасности» проектни башчысы, КъМР-де РГО-ну Жаш тёлю арасыны башчысы Мокълаланы Тенгиз айтханнга кёре, бу проектни ачыкъ профориентация кесеге барды эм къоркъуусуз туризмге юйретуиден сора да, гид-экскурсовод, инструктор-прово-дник эм къутхарычу бла врач дегенча усталыкъла бла шагъырей болургъа онг береди.

«Билим бериу турист проектлени 2017 жылдан бери бардырабыз. Ол заманны ичинде биз жаш тёлнюю таулада къоркъуусулукъну амал-ларына юйретиуню юсюнден уллу сынам алгъанбыз, жолочулукъла бла ёрлеулени сейир жолларын жарашдыргъанбыз. Дагъыда проектге биринчи къошулгъан жаш адамладан уллу къауум жыйгъанбыз. Ала ол дер-следе усталыкълагъа юйренип, кеслери да энди экспертлени орунларында ишлейдиле эмда гичтелени окъута-дыла. Билимни бирден бирге ётени эмда программаланы игилендириу 9 жылы ичинде бу ишни андан ары

бардырыгъа онг береди», - дегенди Мокълаланы Тенгиз.

Проектни эсеплерине кёре, ары къо-шулгъанла бла экспертле КъМР-ни Ку-рортла эм туризм министрствосундан диплома эм ыразылыкъ къагъытла бла саугаланнгандыла. «Туризм БЕЗ-опасности» проект кюзюно ахырына дери бардырыллыкъды.

Программагъа дерсле, экскурсияла, жолочулукъла эм ёрлеуле киредиле, алагъа школда окъугъанла, студентле эм республиканы тири жаш тёлюсю къатышырыкъдыла.

«Проектге къатышханла тау болум-лагъа юйренгенден сора да, къымат-лы сынам да алгъандыла. Инструктор-ланы бла экспертлени профессионал ишлерин айырып айтыргъа сыеме, ала-ны хайырындан жашланы бла къызланы къыйын жолланы къоркъуусуз ётерге эмда техника мадарланы жарашдырыр-гъа къолларындан келгенди. Ышанам-а, алгъан сынамны регионда жаш тёлю туризмны мындан ары да ёсдюруге ышангъылы амал боллугъуна, - деген-ди РГО-ну «Альпачи» жаш тёлю клубу таматасы Алина Бочарова.

ДОДУЛАНЫ Мадина хазырлагъанды.

Ауур атлетика

Сынамлы гёжефле эришгендиле

Бу кюнледе Москвада ауур атлетикадан Россейни чемпионаты ётгенди. Анга къы-ралны 52 регионундан эр кишиледен бла тиширууладан эки жюз чакълы гёжеф къатышхандыла, деп билдиредиле КъМР-ни Спорт министрствосундан.

(49 кг) эм 284 килограммны кётюрген Аслан Каскулов (70 кг) кюмюш майдалгъа тийишли болгъандыла.

Голойланы Тамерлан, 85 килограмм ау-урлукъда 328 килограмм кётюрюп, доммакъ майдал алгъанды. Аны бла былтыргъы кё-



Бу эришуиледе Къабарты-Малкъарны спортчулары төрт майдалгъа тийишли бол-гъандыла.

Алай бла двоеборьеде 388 килограммны кётюрген Балаланы Хас-Магомед (110 кг), 164 килограммны кётюрген Полина Андреева

рюмдюсюн иги кесекге игилендиргенин да белгилерчады.

Спортчула Жаппуланы Магомедте бла Михаил Шекемовда жарау этедиле.

МАГОМЕТЛАНЫ Сулейман.

Росгвардия

Кагет класс къураргъа келишгендиле



Росгвардияны КъМР-де Управлениясында къуралгъан «тёгерек столда» ёсип келген тёлнюю юйретиуню эмда билим бериу учрежденияла бла байламлыкъланы сору-улары сюзюлгендиле. Анга Управленияны башчысы, полицияны майору Сергей Васи-льев, аны орунбасары, полковник Алексей Трушин эмда Нальчикни Зокаланы Валерий атлы 8-чи номерли школуну келечилери

Жангы окъуу жылда байламлыкъланы кючлеуно, ёсип келген тёлнюю туугъан журтубузгъа сыймекликге юйретиу мето-дикаланы синдириуню мадарларына энчи эс бурулгъанды. Росгвардия ёсип келген

тёлю бла бардыргъан жумушлагъа да бурул-гъанды эс: кишилики дерслерине, ачыкъ эшиклени кюнлерине эм башхала.

Тюбешуи Росгвардияны бла билим бе-риу учрежденияны араларында бу школда кюч ведомствону кадет классын къурауну юсюнден келишимге къол салыу бла бо-шалгъанды.

- Бирге тамамланыллыкъ иш жаш адам-ланы жууаплылыкъгъа, низамлыкъгъа, Ата журтубузгъа сыймекликге юйретирге себеп боллукъларына ишексизме,-дегенди тюбе-шуиуну ахырында Сергей Васильев.

ТИКАЛАНЫ Фатима хазырлагъанды.

Агамланы жарсыуларына — энчи эс

Росгвардияны Къабарты-Малкъарда управлениясы-ны башчысы, полицияны генерал-майору Сергей Ва-сильев инсанлагъа энчи при-ём бардыргъанды. Аланы асламысы ишге орналыу неда аны бир бёлюмюнден башхасына кёчюу соруула-ры бла келген эдиле, деп

билдиргендиле ведомствону пресс-службасындан.

Сергей Васильев аны бла тюбегенлеге ишни болушун аңгылатханды, сора кадрла бёлюмюно башчысына аланы барыны да сорууларына жу-уапланы жазып жиберирге буйрукъ бергенди.

«Инсанланы хар сорууун

Къурулуш

Мекамны тышын жарашдырадыла

Аны къурулушу «Юйюр» миллет проектни хайырындан барады, ол хазыр болса, бир кезиге жюз сабийге жерле боллукъдула, деп билдиргендиле КъМР-ни Къурулуш эмда жашау журт-коммунал мюлк министрствосундан.

Бюгонлюкге мекам хазырды, къурулуш-чула аны башын жапхандыла эмда къабыр-гъаларын жылыуну тутхан материал бла тышлай турадыла. Сора коммуникацияла-рын орнатыу бла юрешедиле. Жылыу бла жалчыхтан ыз хазырды, газны къоша тура-дыла, тышында суу, канализация эм башха быргъыланы тартадыла.

Садикни отууларында да кёп тюрюл ишле барадыла: къурулушчула аны къабыргъала-рын сюртоп чыкъгъандыла, энди уа ток ыз-



ланы тарта турадыла эмда хауаны алышхан системаны жарашдырадыла. Сора эшиклени да орнатадыла.

Белгиленнген графикге кёре, бу объект келир жылны ахырына битерге керекди.

ОМАРЛАНЫ Мурат.

Къарындашыбыз ТЕЙРИКЪУЛЛАНЫ Максимни жашы Заур дуниясын алышханыны юсюнден уллу бушуу этип билдиребиз эмда аны юйюроне, жуукъ-ахлугъа къайгъы сёз беребиз.	Тейрикъулланы тукъум совети.
БАТЧАЛАНЫ Исмайлны жашы Борис ауушханы бла байламлы уллу бушуу этип, аны юйюроне, жуукъ-ахлугъа къайгъы сёз беребиз.	Жуукълары, тенгleri.

Баш редактор КЪОНАКЪЛАНЫ Хасан РЕДКОЛЛЕГИЯ: ТЕКУЛАНЫ Хауа (баш ред. орунбасары), ЖАНГУРАЗЛАНЫ Нажабат (баш ред. орунбасары) КЕТЕНЧИЛАНЫ Зульфиа (жууаплы секретарь), МУСУКАЛАНЫ Сакинат, ТИКАЛАНЫ Фатима, ТРАМЛАНЫ Зуккура, УЛБАШЛАНЫ Мурат.	ТЕЛЕФОНЛА: Редакторну приёмный – 42-63-01. Баш редакторну орунба-сарлары – 42-38-21, 40-04-82, жууаплы секретарь – 40-28-97, секретариат – 40-93-62, корректора, специальисте – 42-63-52. РЕДАКЦИЯНЫ БЁЛЮМЛЕРИ: Политика эм право – 42-24-02, экономика – 42-66-73, культура – 42-66-76, социал ишле – 42-75-82, курортла, туризм эм спорт – 40-39-93, окъучула бла байламлыкъла журюптоу эм жазылыу – 42-37-94, сурат алычу – 40-59-18, энчи корреспондент – 42-68-72, операторла – 42-66-85.	Редакция авторла бла къагыт журютмейди. Къол жазмалагъа рецензия этилмейди эм ала артха къайтарылмайдыла. Газетде басмалангъан материаллада айтылгъан оюмла редакцияны оюму бла келишмезге боллукъдула. Алада айтылгъан хар зат ючюн Россей Федерацияны Басманы юсюнден законна тийишлиликде материалланы авторлары кеслери жууаплыды.	Газет Связьны, информация технологияланы эмда асламлы коммуникацияланы ишлери жаны бла федерал надзор службаны (Роскомнадзору) Къабарты-Малккарда управленисында 2016 жылда 19 декабрьде регистрация этилгенди. Регистрация номер — ПН № ТУ 07-00118. Пндекс - П 5893 Газет ийыкыгъа юч кере чыгъалы — геуюрге, орта, шабат кюнледе. Багъасы 13 сомду.	Газетни басмагъа “КъМР-Медиа” ГКУ-ну компьютер службасы хазыр этгенди. Газет “Издательство “Южный регион” ООО-ну типографиясында басмалангъанды. Ставрополь край, Ессентуки ш., Никольский орам, 5а Газетлени ислерине тапдыруу ючюн КъМР-ни почта связны федерал Управленисы жууаплыды. Телефон: 76-01-21 Тиражи 1627 экз. Заказ № 2033	Номерге графикте кёре 19.00 сагъатда къол салынады. 20.00 сагъатда къол салынганды ГАЗЕТНИ НОМЕРИН ЧЫГЪАРГАНЛА: Тикаланы Фатима – дежурный редактор; Баллиланы Феруза (1,2-чи бетле), Бийчеккуланы Жаннета (3,4-чо бетле) – корректорла.	РЕДАКЦИЯНЫ АДРЕСИ: 360000, Нальчик шахар, Ленин атлы проспект, 5. Электрон почта: elbor_50@mail.ru
--	---	--	--	---	---	---